



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

XXIII. De honestate morum in vita & habitu a clericis seruanda, sine
vestium preciosarum pompa & luxu.

urn:nbn:de:hbz:466:1-15644

Fide dignorum relatio ad nostrum auditum perduxit, quantum in multis monasteriis sit a primæ institutionis puritate recessum, siquidem illorum cœnobitæ sic vitam monachalem & regularem reiecerunt, vt & moribus & nomine & habitu religiosi haberi & nominari vereantur. Quod si in præmissis gubernaculum disciplinæ contemnatur, hoc solum restare videmus, vt religio naufragetur. Rebus itaque in deteriora prolabentibus obuiam ire volentes statuimus, vt abbates, abbatissæ, priores, priorissæ, & alii religiosorum superiores, quocumque nomine censeantur, sic sua monasteria in cultu diuino, vita & moribus, vestimentis monachalibus, cibis & potibus, reformati, & suos religiosos & moniales, ad vitam regularem & monasticam, secundum institutiones suorum ordinum & alias regulares, reducant, quod in eis nihil reperiatur, quod diuinam maiestatem & simplicium animos offendere possit. In præmissis autem, per dioecesanos in suis visitationibus diligens inquisitio fiat. Et quæ reperirent deformata, reformati, & omnino corrigant: quæ super prædictis facta fuerint sequenti Concilio referant. Et ne notorium illum abusum, quo nonnulli regularem apostasiam incurrendo, sine habitu regulari etiam in publicum incedere non erubescunt, sub dissimulatione pertransire videamur: statuimus, quod canonici regulares de cetero super veste exteriori togam lineam, tam intra, quam extra monasterium, ferre omnino teneantur. Nisi forte super huiusmodi toga non deferenda, priuilegium habeant: quod suis dioecesanis exhibere infra duos menses, a die publicationis computandos, habeant: Qui viso priuilegio, super alio habitu patenter distincto a vestimentis clericorum sacerdotalium, ordinabunt, vt expedire & iuris esse videbitur.

XXIII.

Omnes clericos, maxime in sacris constitutos, admonitos esse volumus: se cum in sanctorum loco sint, necessitatem bene viuendi, non licentiam peccandi esse assicutos. Idcirco eos hortamur, vt opera sanctorum exerceant, luceantque coram hominibus opera eorum, sintque vere illud sal euangelicum. In ministerio vigilantes &

De toga linea super vestem a canonicis regularibus ferenda.

ANNO CHRISTI 1527. solliciti, plantent, euellant, dissipent: & cum summo studio ædificant quæ pietatem respiciunt.

Insuper professionem suam probent habitu, scilicet ut per decentiam habitus extrinseci intrinsecam morum honestatem ostendant. Vestitus ergo clericorum, maxime in sacris constitutorum, non sit expectoratus: sed a collo de super vndique clausus, a manicis, lateribus, & retro.

Cum elationis habeat calumniam, quidquid propter venustatem, non propter necessitatem accipitur: & ne bona ecclesiæ, quæ pauperum sunt, in fastum & corporis ornatum (qui a sacro ordine alienus esse debet) conuertantur, inhibemus omnibus & singulis ecclesiasticis nostræ prouinciæ, ne vestimentis exterioribus & sagis oblongis sericeis, in publico aut domestice vtantur, sub poenis arbitrio diocefanorum imponendis. Non tamen intendimus ecclesiasticis ex sanguine regio aut ducali ortis huiusmodi vestimentorum sericeorum delationem prohibere: quos tamen hortamur ut in suis vestimentis decentiam ecclesiasticam obseruent.

XXIV.

Vestes sint talares, non froniatae, aut partitæ; nec nimia amplitudine superfluæ, nec plus æquo constrictæ, in quibus clericalis ordinis honestas & modestia, non fastus iactantia, vel elationis vitium, deprehendatur. Non etiam camisias gestent (quod dicunt) froniatas.

Non pannosi sint clerici, aut in vestibus laceri. Neque enim affectatae sordes, aut exquisitæ deliciae, laudem pariunt.

Non caligas, partitas aut scacatas assumant, neque circa genu dissutas, non lunatis seu cornutis, ac nimis fenestratis, calceis vtantur. Non annulos in digitis deferant: nisi forte huiusmodi sint, quibus id ad decorem suarum dignitatum permittatur.

Ipsi quoque clerici in sacris præsertim constituti, & eorum commensales, neque comam relaxent, aut barbam nutrient: sed tonsuram, coronam, seu rasuram habeant, secundum ordinem suum honeste rasam.

Denique iuxta Concilium Lateranense pannis rubeis aut viridibus non vtantur: ab iis denique abstineant quæ in eodem Concilio continentur.

De vestimentis sericeis non deferendis a clericis.

De honestate a clericis seruanda in crinitibus & tonsura.